



МОНГОЛ УЛСЫН НИЙСЛЭЛИЙН ЗАСАГ ДАРГЫН ЗАХИРАМЖ

1997 оны 3 дугаар
сарын 05 өдөр

Дугаар 657

Улаанбаатар
хот

Нийслэлийн биеийн тамир спортын
хорооны дүрэм батлах, ажилд томи-
лох тухай

1. Монгол улсын Засгийн газрын 1996 оны 263 дугаар тогтоол, нийслэлийн Засаг даргын 1997 оны Б/18 дугаар захирамжийг үндэслэн нийслэлийн Биеийн тамир спортын хорооны дүрмийг хавсралтаар баталсугай.

2. Нийслэлийн Биеийн тамир спортын хорооны даргаар Дашнямын Содномзундуйг 1997 оны 03 дугаар сарын 01-нээс томилж, сарын үндсэн цалинг 34950 төгрөгөөр, нэмэгдлийг үндсэн цалингийн 60 хувиар бодож тогтоосугай.

3. Албан хаагчдыг томилж, цалин нэмэгдлийг холбогдох журмын дагуу тогтоож ажиллахыг нийслэлийн Биеийн тамир спортын хороо (н.Содномзундуй)-нд даалгасугай.

4. Энэ захирамж гарсантай холбогдуулан "Залуучууд спортын хороо байгуулах тухай" Улаанбаатар хотын АДХ-ын гүйцэтгэх захиргааны 1991 оны 235 дугаар тогтоолыг хүчингүй болсонд тооцсугай.



НИЙСЛЭЛИЙН ЗАСАГ ДАРГА БӨГӨӨД
УЛААНБААТАР ХОТЫН ЗАХИРАГЧИЙН
ҮҮРЭГ ГҮЙЦЭТГЭГЧ

Ж.НАРАНЦАЦРАЛТ



**НИЙСЛЭЛИЙН ЗАСАГ ДАРГЫН ДЭРТЭДЭХ
БИЕЙН ТАМИР СПОРТЫН ХОРООНЫ
ДҮРЭМ**

Нэг. Нийтлэг үндэслэл:

- 1.1. Нийслэлийн биений тамир спортын хороо нь нийслэл хотод биений тамир спортын талаар явуулах бодлогыг хэрэгжүүлэх төрийн захиргааны байгууллага юм.
 - 1.2. Хорооны үндсэн зорилт нь: Нийслэл хотод Биений тамир спортыг эрчимтэй хөгжүүлэн, нэгдсэн удирдлагаар хангаж материаллаг баазыг бэхжүүлж, боловсон хүчний үйл ажиллагааг сайжруулахад оршино.
 - 1.3. Тус хороо нь нийслэлийн Засаг дарга түүний Тамгын газрын удирдлагын дор үйл ажиллагаагаа явуулж, ажлаа тайлагнана.
 - 1.4. Биений тамир спортын хороо, түүний шууд харъяа газар нийслэлийн дүүргийн биений тамир спортын сургалтын төв тэдгээрт захирагдах нэгжээс бүрдэнэ.
 - 1.5. Хороо нь үйл ажиллагаандаа Монгол улсын хууль, тогтоомж, Нийслэлийн Иргэдийн Төлөөлөгчдийн Хурын тэргүүлэгчид, Засаг даргын шийдвэр, энэ дүрмийг удирдлага болгоно. Хороо нь эрх хэмжээнийхээ асуудлаар Монгол улсын хууль тогтоомжид нийцүүлэн тушаал гаргаж биелэлтийг хангана. Хорооноос гаргасан биений тамир спортын холбогдолтой нийтлэг шийдвэрийг албан байгууллага, аж ахуйн нэгж, иргэд биелүүлэх үүрэгтэй.
 - 1.6. Хороог нийслэлийн Засаг даргаас томилогдсон дарга удирдах бөгөөд хорооны ажлаа нийслэлийн Засаг даргын өмнө бүрэн хариуцна.
 - 1.7. Хороо нь үүрэг зорилтоо хэрэгжүүлэхтэй холбогдсон асуудлаар шийдвэр гаргахад зөвлөх үүрэг бүхий орон тооны бус зөвлөлтэй байж болно.
 - Гишүүдийг хорооны даргын тушаалаар батлана. Хорооны дарга нь Монгол улсын хууль тогтоомжинд нийцүүлэн эрх хэмжээнийхээ асуудлаар санал боловсруулж, нийслэлийн Засаг даргын зөвлөл, Тамгын газарт оруулах ба гарсан шийдвэрийн биелэлтийг хангана.
 - 1.8. Хороо тогтоосон журмаар хийсэн тэмдэг, албан бичгийн хэвлэмэл хуудас хэрэглэнэ.
- Хоёр. Үүрэг, эрх
- 2.1. Хороо нь дор дурдсан үүрэг гүйцэтгэнэ.
 - а/ Үндэсний өв уламжлалд тулгуурлан нийслэлийн хүн амын дунд ардын тоглоос, наадам, спортын үндэсний болон дэлхий нийтийн төрлийг хөгжүүлэх, төрийн бодлогыг холбогдох газар, олон нийтийн төв байгууллагуудтай хамтран боловсруулж, хэрэгжүүлэн биелэлтэнд нь хяналт тавих.

б/Нийслэл хот, дүүргийн хэмжээнд зохиогдох уралдаан тэмцээн, спорт сургалтын ажлыг арга зүйн нэгсэн удирдлагаар хангах,

в/ Гадаад орнуудын нийслэлийн биеийн тамирын байгууллагатай спортын талаар хамтран ажиллах,

г/ Харьяа байгууллагын үйл ажиллагаанд захиргааны болон санхүүгийн хяналт тавих,

д/Хорооны ажилчдын нийгмийн асуудлыг шийдвэрлэхэд чиглэсэн арга хэмжээ авч хэрэгжүүлэх,

е/ Биеийн тамир спортын материаллаг баазыг бэхжүүлэх, тоног төхөөрөмж, хувцас хэрэгслэлийн хангамжийг нэмэгдүүлэхэд чиглэсэн үйл ажиллагааг дэмжих,

ж/ Нийслэл хотод биеийн тамир спортын арга хэмжээг нэгдсэн төлөвлөгөөний дагуу зохион байгуулж, түүний биелэлтэнд хяналт тавина.

2.2. Хороо дор дурдсан эрх эдлэнэ.

а/ Харьяа байгууллагыг байгуулах, өөрчлөх, татан буулгах асуудлыг зохих журмын дагуу нийслэлийн Засаг даргын Тамгын газарт оруулж шийдвэрлүүлэх, тэдгээрийн удирдах албан тушаалтныг томилоход санал өгөх,

б/ Нийслэлийн Засаг даргаас өгсөн бүтэц, орон тооны хязгаарт багтаан албан хаагчдыг томилж, чөлөөлөх,

в/ Хүн амын дунд зохиох спортын сургалтын хөтөлбөр, нэгдсэн ангилал, бусад нормативыг холбогдох байгууллагуудтай хамтран боловсруулж саналаа өгөх,

г/ Эрхэлсэн ажлын холбогдолтой мэдээ материалыг холбогдох газар, дүүргүүдийн Засаг даргын Тамгын газар, биеийн тамир спортын сургалтын төв бусад байгууллагаас гаргуулан авах,

д/ Хорооны эрх хэмжээг хэрэгжүүлэхтэй холбогдуулан дэргэдээ орон тооны бус комисс, зөвлөлийг байгуулж ажиллах, тодорхой асуудал боловсруулахад зохих мэргэжлийн хүмүүсийг холбогдох байгууллагатай нь зөвшөөрөлцсөний үндсэн дээр урьж оролцуулах,

е/ Спортын арга хэмжээний төсвийг батлуулж хуваарилан олгох, ашиглалт зарцуулалтанд хяналт тавих,

ж/Эрхэлсэн асуудлаар гадаад орнуудын нийслэл хотуудтай хамтран ажиллах гэрээ хэлэлцээрийг зохих журмын дагуу баталж хэрэгжүүлэх,

з/ Биеийн тамир спортыг хөгжүүлэх үйлсэд тодорхой хувь нэмэр оруулсан, спортын гарамгай амжилт гаргасан хүмүүсийг Монгол улсын алдар цол, төрийн дээд болон Засгийн газар, нийслэлийн Засаг даргын шагналаар шагнуулах саналыг зохих журмын дагуу эрх бүхий байгууллагад оруулах, тус хорооны шагналаар шагнах.